

ପିତର ଲେଖିଥିବା ପ୍ରଥମ ପତ୍ର ପିତର ଲେକିକିତି ପର୍ତୁଗ୍ ଆକି ପିତରତି ପର୍ତୁଗ୍ ଆକିନି ପାଦେକ୍

ପିତରତି ପର୍ତୁଗ୍ ଆକି ପକ୍ୟାତି ପିତର ଲାହାଂ ଲେକାଜି ମାଚାଡ଼ । ପିତର ହେଞ୍ଜାନ୍ ଇନେନ୍ ଆରି “ହେଞ୍ଜାନ୍” ଇନେରିଂ ଇ ଆକି ଲେକିକିନାନ୍ ହେ ବିସ୍ତେ ଇଞ୍ଜି ଆକି ଲେକିକିନାନ୍ । ହେଞ୍ଜାନ୍ ଇ ଆକିତ ସବୁ ଲଗୁ କ୍ରିସ୍ଟିନାରିଂ ଖାରି କିଜି ଆକି ଲେକିକିନାନ୍ । ୧:୧; ୧:୧୭ ଆରି ୨:୧୧ ହେଞ୍ଜାନ୍ ତା ଲେକାମାନାକାରିଂ ଏଲେଂ ବାନି ଖାରି କିଜି ଲେକିକିନାନ୍, “ଇନାକିଦେଂକି ହେଞ୍ଜାର୍ ବିନ୍‌ବିନ୍ ଦେସ୍ତ ଜେତେକେତେ ଆଜି ମାଚାଡ଼ ।”

ଇନାକିଦେଂକି ଇ ଆକି ବାଗ୍ତ ଏପିସିୟ ମଣ୍ଡୁଲି ଲାଗାଙ୍ଗ୍ ପାଉଲ୍‌ତି ଆକି ଲାକେ ଆନାଡ଼ । ଏଚେଜାଣ୍ ପାତ୍ କିତାର୍ ଜେ, ପର୍ତୁଗ୍ ପିତର ଜିସୁକ୍ରିସ୍ଟି ଜଲମ୍‌ନି ୬୫ ବାର୍ତ୍ତୁ ପାଚେ ଲେକାଆଜି ମାଚାଡ଼ । ପିତର ଇ ଆକି ରମତାଂ ଇନାକା କି ଏଞ୍ଜାନ୍ ବାବିଲ୍ ଇଞ୍ଜି ଇନାର୍ ହେବେତାଂ ହେଞ୍ଜାନ୍ ଲେକିକିଜି ମାଚାନ୍ ୫:୧୩ ।

ପିତର ଇ ଆକିତ ଲେକିକିତାନ୍ନା ଜେ, ଇ ଆକିନି ଇନାକା ମିଙ୍ଗେଙ୍ଗ୍ ସାସ୍ ହିନି କାଜିଂ ଆରି ଇସ୍ପୁରତି ହାଡ଼ପା ଉପ୍‌କାର୍ ପରିକ୍ୟା କିନାକା ୫:୧୨ । ଇବେ ବେସି ସମାନ୍ ମାନାଡ଼ ୧ ପିତର ୨:୧୧; ୩:୭, ଏପିସିୟ ୫:୧୮-୬:୯ ଆରି କଲସିୟ ୩:୧୮-୪:୭ । ଇ ତିନ୍‌ଗଟା ଆକିନି ଝିନ୍ଦୁ ପାବ୍‌ତ ମେହାଣ୍ ଆରି ଆଦିକାର୍ ବିସ୍ତେ ବଲ୍ ହିନାଡ଼ । ହାରିହାରା ସମୁ ଏକାଞ୍ଜାତିଲେ କସ୍ତ ସମୁ ପା ହାରିକିଜି ତିର୍ ମାଞ୍ଜେଙ୍ଗ୍ କ୍ରିସ୍ଟିୟାନ୍‌ରିଂ ସାସ୍ ହିନାନା ୪:୧ ।

ପତି ବିଚ୍ଚେନି ରାହାଣ୍

- ୧. ପିତର ହେଞ୍ଜାନ୍ତି ପତି କିନାକାରିଂ ଜାର୍ତି ଜାଣାତିନା କିନାନ୍ ୧:୧-୨

- ୨. ପିତର ଇସ୍ବରତିଂ ଦନ୍ୟବାଦ୍ ହିନାନ୍ ଜେ, ଓଜାକାର ଇସ୍ବରତି ମୁକ୍ତାନିତାକେ ମେହାଆଜି ହେଞ୍ଜାରତି ଜିବୁନ୍ନି ର ହାଜି ୧:୩-୨:୧୦
- ୩. ପାଚେ ପୁତର୍ ତ ଇନେସ୍ ହାର୍ କିଜି ଜିଆନାଡ୍ ଆରି ଆଣ୍ଟା ଆରି କଗ୍ଲେ, ମାପୁ ଆରି ଆଡିଏନ୍ ବିତ୍ରେ ଇନେସ୍ ମେହାଣ୍ ଇଡ୍ଦେଂ ଆନାଡ୍ ହେଦାଂ ବଲ୍ ହିନାନା ୨:୧୧-୪:୧୧
- ୪. ଇଦାଂ ପାଚେ ପିତର କସ୍ତୁ ଖେଡାଲିଙ୍ଗ୍ ତିର କିଜି ମାନ୍ୟାନାଡ୍ ହେ ବିସ୍ତେ ସାସ୍ ହିନାନା ୪:୧୨-୫:୧୧
- ୫. ହେଞ୍ଜାନ୍ତି ଲେକିକିନାକା ଓସ୍ତାନ୍ ୫:୧୨-୧୪

୧ ଆନ୍ ପିତର ଜିସୁ କ୍ରିସ୍ତୁତି ରଞ୍ଜାନ୍ ପକ୍ୟାତାକାନ୍, ପନ୍ତ, ଗାଲାତିଆ, କାପ୍ପାଦକିଆ, ଆସିଆ ଆରି ବିତୁନିଆତ ରାଜିତ ଜେତେକେତେ ଆଜି ବାଟିକିତି ମାନାୟ୍ ତିଙ୍ଗ୍ ଆକି ଲେକିକିନାଙ୍ଗା, ୨ ଆବା ଇସ୍ବରତି ପୁର୍ବେ ଗିଆନ୍ ଇସାପ୍ରେ ଜିବୁନ୍ତି ହୁଦାଂ ପୁଇପୁୟା କିୟା ଆଜି ମାନିକିଜି, ଆରେ ଜିସୁ କ୍ରିସ୍ତୁତି ନେତେରତ ତିରଆ ଆଦେଂ କାଜିଂ ବାଟି କିଆତାନ୍ନା, ମି କାଜିଂ ବେସି ଦୟା ଆରି ସୁସ୍ତା ଆୟେଡ୍ ।

୨ ର ଜିବୁନ୍‌ହିନି ବାସର୍

୩ ମା ମାପୁ ଜିସୁ କ୍ରିସ୍ତୁତି ଆବା ଇସ୍ବରତିଂ ଦନ୍ୟ ନାଦାଂ ଆଏଡ୍, ଇନାକିଦେଂକି ହେଞ୍ଜାନ୍ ତା ବେସି ଦୟାତ ଜିସୁ କ୍ରିସ୍ତୁତି ହାକିତ ଆରେ ନିନାକା ହୁକେ ଇଦାଂ ମାଙ୍ଗ୍ ଜିବୁନ୍ ବାସର୍ ତ ପାୟାତି କାଜିଂ । ୪ ଲାଗିଂ ଇସ୍ବର ତା ଲକୁ କାଜିଂ ଇମ୍‌ଣି ବେସି ମଲ୍ ଆସିର୍ବାଦ୍ ଇଡ୍ଡାନ୍ନା ହେଦାଂ ପାୟାଦେଂ ଆପେଂ କାନାପା । ଲାଗିଂ ହେଞ୍ଜାନ୍ ସାଗେତ ମି କାଜିଂ ବାତର୍ କିଜି ଇଡ୍ଡାନ୍ନା । ହେବେ ହେଦାଂ ଜିରା ଆଉଡ୍, କି ନସ୍ କି ପାପ୍ ଆଉଡ୍ । ୫ ଇମ୍‌ଣି ମୁକ୍ତାନାକା ହାରିହାରା କାଡ୍‌ଡ୍ ହନି କାଜିଂ ଜାଲ୍‌ଦି ଆତାନ୍ନା, ହେଦାଂ କାଜିଂ ଏପେଙ୍ଗ୍ ଇସ୍ବରତି ସାକ୍ତିତ ପାତର୍ ହୁଦାଂ ହାର୍‌ଇଟ୍ୟା ଆତାଦେଣ୍ଟା ।

୬ ଲାଗିଂ ଏପେଙ୍ଗ୍ ଖାରି କିୟାଟ୍, ଆଡିସ୍‌ପା ନଂ ଅଲପ୍ ସମ୍ କାଜିଂ ବାର୍‌ବିନି ପରିକ୍ୟା ହୁଦାଂ ଦୁକ୍‌ବର୍ କିନାକା ମି ପାକ୍ୟାତ ଲଡା ଆନାଡ୍, ୭ ମି ପାତର୍ ନି ହାର୍‌ଦାକା ପରିକ୍ୟା କିନାକା ଇ ସବୁନି ଉଦେସ୍ । ଜିରାତି ହନା ନାଣିତ ପରିକ୍ୟା କିୟାନାଡ୍ । ମି ପାତର୍ ହନା ବାଟା

ଆଦିକ୍ ବେସିମଲ୍ ଆତିଲେ ପରିକ୍ୟା ହୁଦାଂ ହାର୍ଦାକା କୁନି ଲଡ଼ା । ହେଦାଂ ଆତିସ୍, ଜିସୁ କ୍ରିସ୍ଟୁ ହତି ଖାଡ଼ାଲିଂ, ଏପେଙ୍ଗ୍ ଖାରି, ଜାଜ୍‌ମାଲ୍ ଆରି ସନ୍‌ମାନ୍ ଲାବ୍ କିନାଦେର୍ । ୮ ଏପେଙ୍ଗ୍ ହେଝାନିଂ ହୁଡ଼ଝାଦାଂ ଜିଉନନାଦେରା, ଆରେ, ନଂ ପା ହୁଡ଼ଝିତିସ୍ତା ହେଝାନ୍‌ତାକେ ପାତର୍ କିଜି ଇନ୍‌ଝିକାତା ଆରି ଜାଜ୍‌ମାଲ୍ ମିହା ଖାରିତ ଖାରିୟା ଆନାଦେରା । ୯ ଖାରି ଆଜି ମି ପାତର୍ ନି ପାଡ଼୍ ଜେ ଖାସ୍ତିନି ମୁଲ୍ଟି, ହେଦାଂ ପାୟାନାଦେରା । ବେଶ୍‌ବାକ୍‌ଶାୟ୍‌କିନାକାର୍ ମି କାଜିଂ ବାଟିକିତି ଉପକାର୍ ବିସ୍ତେ ବେଶ୍‌ବାକ୍‌ଶାୟ୍‌ କିୟାଟ୍ ।

୧୦ ଇ ମୁକ୍‌ଡ଼ାନାକା ବିସ୍ତେ ବେଶ୍‌ବାକ୍‌ଶାୟ୍‌କିନାକାର୍ ମାନ୍‌ଦିଆନ୍ ଲାକେ ଦାସ୍‌ସି ଆରି ତେକ୍‌ତି, ଇସ୍‌ବୁର୍ତି ଦୟାଦାନ୍ ବିସ୍ତେ ବେଶ୍‌ବାକ୍‌ଶାୟ୍‌କିନାକା ହପ୍‌ତି ମାଟାର୍ । ୧୧ ହେ ଦାନ୍ ଇନାଝାଡ଼ାଙ୍ଗ୍ ଆରି ଇନେସ୍ ବାବ୍ରେ ପାୟାନାନ୍ ପୁନି କାଜିଂ ହେଝାର୍ ସେସ୍ତା କିଜି ମାଟାର୍ ଇ ବିସ୍ତେ ପୁଇପୁୟା ଜିବୁନ୍‌ତିଂ ଉପକାର୍‌ତାଂ ହେଝାର୍ କ୍ରିସ୍ଟୁତି ଦୁକ୍‌ବଗ୍ ଆରି ପାଚେନି ଜାଜ୍‌ମାଲ୍ ପାୟାତି ବିସ୍ତେନି ଇଞ୍ଜି ମାଟାନ୍ । ୧୨ ଇସ୍‌ବୁର୍ ଲେକିକିତାକା ବେଶ୍‌ବାକ୍‌ଶାୟ୍‌କିନାକାର୍ ଲାଗାଂ ହପ୍‌ତାନ୍, ହେଝାର୍ ଜେ ଜାର୍ ଜାର୍‌ତି ହେବା କିଝାଦାଂ ମିଦାଂ ହେବା କିଜି ମାଟାର୍, ଇଦାଂ ହେଝାର୍ ଲାଗାଂ ହସି ମାଟାଡ଼, ଆରେ, ହେଝିଜୁ ବିସ୍ତେ ସାଗେତାଂ ପକ୍ୟାତି ପୁଇପୁୟା ଜିବୁନ୍‌ତି ସାଲ୍ଲିତାଂ ମି ଲାଗେ ନେକ୍ରିକାରୁର୍ ସୁଶାୟ୍‌କିନାକାର୍‌ତି ହୁଦାଂ ନଂ ମିଙ୍ଗେଙ୍ଗ୍ ଜାଶାୟ୍‌କିଦ୍ୟାନାତା; ହେ ସବୁ ବିସ୍ତେ ଦୁତକ୍ ଇଟକାଡ଼୍ କିଦେଙ୍ଗ୍ ମାନ୍‌କିନାର୍ ।

ପୁଇପୁୟା ଜିବୁନ୍ କାଟିକିନି କାଜିଂ କୁକ୍ୟାନାକା

୧୩ ଲାଗିଂ, ଜାର୍ ଜାର୍‌ତି ମାନ୍‌ଲାଗ୍‌ଦି ମ୍ଲେଙ୍ଗ୍ ଗାଟ୍ୟା ଆଜି ଚେଡ଼ନା ମାନାଟ୍, ଆରେ ଜିସୁ କ୍ରିସ୍ଟୁତି ହନି ଝେଡ଼ାଲିଂ ଇମ୍‌ଣି ଉପକାର୍ ମୁକ୍‌ଡ଼ାନାକା ମି କାଜିଂ ଆଏଡ଼୍, ହେବେ ବାଟର୍ ବାସର୍ ଇଟାଟ୍ । ୧୪ ଇସ୍‌ବୁର୍ତି ବଲ୍ ମାନିକିନାକା ଆଡ଼, ମି ଆଗେ ପୁନ୍‌ଝି ଗିଆନ୍ ଝେଡ଼ାଲିଂ ବାନ୍ୟାଆହା ତାରେନ୍ ହାଲ୍‌ମାଟ୍, ୧୫ ମତର୍ ମି କୁଲ୍‌ନାକାନ୍ ଇନେସ୍ ପୁଇପୁୟା, ଏପେଙ୍ଗ୍ ପା ବଲ୍ ମାନିକିନାକା ହିମ୍‌ଶାଙ୍ଗ୍ ଲାକେ ସବୁ ବେବାର୍‌ତ ହେ ଲାକେ ପୁଇପୁୟା ଆଡୁ । ୧୬ ଲାଗିଂ ସାସ୍‌ବୁର୍ତ

ଲେକା ମାନାଡ଼, “ଏପେଙ୍ଗ ପୁଇପୁୟା ଆଡୁ, ଇନେକିଦେଂକି ଆପେଂ ପୁଇପୁୟା ।”

୧୭ ଆରେ ଇନେର୍ ମୁକ୍ତମେଟ୍ କିଝାଦାଂ ଜାଣକେ ଲକୁନି ପାର୍ତ୍ତାନା ଇସାବ୍ରେ ବିଚାର କିନାନ୍, ହେଝାନିଂ ଜଦି ଆବା ଇଞ୍ଜି ଇନାଦେରା, ତେବେ ଜାର୍ ଜାର୍ତି ନାଣାଙ୍ଗେ ପାଣ୍ଟୁ ଆଜି . ବେବାର୍ କିୟାର୍; ୧୮ ଏପେଙ୍ଗ ପୁନାଦେର୍ ମି ଆବା ଲାତ୍ରାର୍ ତାଙ୍ଗ୍ ପାୟାତି ରିତି ନିତିନି ପଲ୍ୟା ଜିବୁନ୍ତାଂ ମିଙ୍ଗେଙ୍ଗ୍ ମୁକ୍ତାୟ୍ କିନି କାଜିଂ ଏତେକ୍ ମଲ୍ ହିଦେଂ ଲାଗଦାତାଡ଼ । ହେଦାଂ ବୁତାଆନି ରୁପା କି ହନା ଆକାୟ୍, ୧୯ ମାତର୍ ହେଦାଂ ନିଯାଝାଦାଂ, ପ୍ରାଲ୍‌ହିଲ୍‌ଝି ପୁଇପୁୟା ମେଣ୍ଡାହିମଣା ଲାକେ କ୍ରିସ୍ତତି ବେସିମଲ୍ ନେତେରତ୍ ମୁକ୍ତାତାଦେଣ୍ଡା । ୨୦ ହେଝାନ୍ ଜଗଡ଼ନି ଉବ୍‌ଜାଣ୍ ଆଗେତାଂ ତିର୍ କିୟାଜି . ମି କାଜିଂ ହାରିହାରା କାଡ଼ଦ ଚଞ୍ଚାତାନ୍ନା; ୨୧ ଇମ୍‌ଣି ଇସ୍‌ବର୍ ହେଝାନିଂ ହାକି ବିତ୍ରେତାଂ ନିକ୍ତି ଜାଜ୍‌ମାଲ୍ କିତାନ୍ନା, ହେ ଇସ୍‌ବର୍ତାଂ ଏପେଙ୍ଗ୍ ହେଝାନ୍ ହୁଦାଂ ପାତ୍ କିନାଦେରା, ହେ ଇସ୍‌ବର୍ ମି ପାତ୍ ଆରି ବାସ୍ ନିକାନ୍ ଆନାନ୍ ।

୨୨ ଏପେଙ୍ଗ୍ ହାଡ଼ପାନି ବଲ୍ ମାନି କିନାକା ଆଜି କାପ୍‌ଟିୟାଝାଦାଂ ଚଣ୍ଡେନ୍ ଜିଉନନାକା କାଜିଂ ଜାର୍ ଜାର୍ ଜିବୁନ୍ତି ସକର୍ କିଜିମାଟିଲେ ଝାସ୍‌ନି ହୁକେ ରମାନ୍ତ ହାରି ଜିଉନଝାଟ୍; ୨୩ ଲାଗିଂ ଏପେଙ୍ଗ୍ ଜିରାନି ମାଞ୍ଜିଙ୍ଗ୍‌ତାଂ ଆକାୟ୍, ଆଞ୍ଜିତିସ୍ ଜିରାଞ୍ଜି ମାଞ୍ଜିଙ୍ଗ୍‌ତାଂ, ଇତିସ୍ ଇସ୍‌ବର୍ତି ଜିଜି . ମାନି ଆରି ସବୁଦିନ୍ ମାନାକା ବଚନ୍ ହୁଦାଂ ଆରେ ଜଲମ୍ ଆତାଦେଣ୍ଡା । ୨୪ ସାସ୍‌ବର୍ତ୍ତ ଲେକା ମାନାଡ଼,

“ମାନାୟ୍ ଜାତି କାତ୍ରା ଲାକେ,
ହେଝାର୍ତି ଝିନ୍ତୁ ହଲ୍‌ନାକା ରାନ୍ତି ପୁଇ ଲାକେ,
କାତ୍ରା ଝାଜ୍‌ଜି ହାନାଡ଼ ଆରେ ପୁଇ ହାଡ଼ଜି ହାନାଡ଼,

୨୫ ମାତର୍ ଇସ୍‌ବର୍ତି ବଚନ୍ ଝିଜ୍‌ଝିକାଡ଼୍ ତିର୍ ।”

ଇଦାଂ ହେ ନେକ୍ରିକାରୁରନି ବଚନ୍, ଇନାକା ମି ଲାଗାଂ ସୁଣାୟ୍ କିୟା ଆତାନ୍ ।

୨

ଜିବୁନ୍ନି କାଲ୍ ଆରି ପୁଇପୁୟା କୁଟୁମ୍

୧ ଲାଗିଂ ମାପୁ ଜେ ଉପକାର କିନାକାନ, ଇଦାଂ ଜଦି
 ଝେଟ୍ଟାତାନନା ତାଆତିସ୍ ସବୁ ବାନି ବାନ୍ୟା, ଚାଲାକି, କୁଟ୍, ଡାରା
 ଆରି ଲକାରନିୟା ପହାଟ୍ । ୨ ମିଟ୍ ଆରି କୁଟ୍, ଡାରା ଆରି ଲକାର
 ନିୟା ଗୁଇନାକା । ପୁନାକା ଚଞ୍ଚି ହିମ୍ପାଲାକେ ଆତ । ନିତ୍ରେ ହାଦାକା
 ସବୁଦିନ୍ ପାଲ୍ ଉଣ୍ଡେଙ୍ଗ୍ ଏସକି ଆତ । ତା ଆତିସ୍ ଏପେଙ୍ଗ୍ ବାତା
 ଆଜି ମୁକ୍ତାନାଦେର । ୩ ସାସ୍ତରତ ଲେକା ମାନାଟ୍, “ଇସ୍ପର ଜେ
 ଇନେସ୍ ଦୟା କିଦନାକାନ, ହେଦାଂ ଏପ୍ ଜାର ବୁଦିତାଂ ପୁଚାଦେଣ୍ଟା
 ।”

୪ ଜିବୁନ୍ମାନି କାଲ୍ ଲାକେ ଜେ ହେ ମାପୁ, ହେଞ୍ଜାନ୍ ମାନାୟାର୍
 ହୁକେ ମୁନା କିୟାତାନ୍ ସତ୍, ମାତର୍ ଇସ୍ପରତି ତାକେ ବାଟିକିୟା
 ଆତାନ୍ ଆରି ବେସି ମଲ୍ ଆତାନ୍ନା, ୫ ତା ଲାଗାଂ ଖାଜି ଏପେଙ୍ଗ୍ ପା ଜିସୁ
 କ୍ରିଷ୍ଟି ହୁଦାଂ ଇସ୍ପରତି ଲାହାଙ୍ଗ୍ ହାରଇଚ୍ୟାନି ଆମ୍ବିକ୍ ପୁଜାକିନି କାଜିଂ
 ପୁଇପୁୟା ମାପୁହେବାକିନାକାର୍ ଆନି କାଜିଂ ଜିବୁନ୍ମାନି କାଲ୍ ଲାକେ
 ଆଜି ର ଆମ୍ବିକ୍ ଇଲ୍ ଲାକେ ରଚ୍ୟା ଆତୁ । ୬ ଇନେକିଦେଂକି ସାସ୍ତରତ
 ଲେକା ଆତାଡ୍ନା, ହୁଡାଟ୍,
 “ଆପ୍ ସିୟନ୍ତ ରଞ୍ଜାଙ୍ଗ୍ ବାଟିକିତି ଆରି ବେସିମଲ୍ କନାନି ମୁଡ୍,
 କୁନାଦି କାଲ୍

ରଚତାପ୍ନା, ଆରେ ଇନେନ୍ ହେଞ୍ଜାନ୍ତି ତାକେ ପାତ୍ କିତାର୍,
 ହେଞ୍ଜାନ୍ ଲାଜା ଆଉନ୍ ।”

୭ ଲାଗିଂ ପାତ୍ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ହେ ବେସିମଲ୍ନି
 ମିହାଣ୍ ଆନାଦେର, ମାତର୍ ଇମ୍ପାକାର୍ ପାତ୍ କିଉର୍,
 “ଇଲ୍ ରଚନାକାର୍ ଇମ୍ପା କାଲ୍ଦିଂ ମୁନାକିତାର୍,
 ହେଦାଂ ହେଞ୍ଜାର୍ତି ନଂ କନାନି ମୁଡ୍କାଲ୍ ଆତାଡ୍ ।”
 ୮ “ଆରେ, ପୁଇପୁୟା ସାସ୍ତରତ ଆରେ ପା ଲେକାଆତାଡ୍ନା”
 “ଇ କାଲ୍ ଜପି ଆଦିକ୍ ଉସ୍ନାର୍, ଇ କାଲ୍ ହେଞ୍ଜାର୍ତି ବୁଡାନି ବିସ୍ତେ
 ଆନାଡ୍ ।

ହେଞ୍ଜାର୍ ଇସ୍ପରତି ବଚନ୍ତ ପାତ୍ କିଞ୍ଜାତାର୍, ଲାଗିଂ ହେଞ୍ଜାର୍
 ଅସ୍ପାର୍ ।

ଆରେ ଇଦାଂ କାଜିଂ ପା ହେଞ୍ଜାର୍ ବାଟିକିୟାଜି ମାତାର୍ ।”

୯ ମାତର୍ ଇସ୍ପର ଜେ ମିଙ୍ଗେଙ୍ଗ୍ ମାଜ୍ଗାତାଂ ଜାର୍ କାବାନି
 ଅଜଡ୍, ବିତ୍ରେତାଂ କୁକ୍ତାତାନ୍ନା, ଏପେଙ୍ଗ୍ ଇନେସ୍କି ତା ଗୁଣ୍

କେରାଟ୍, ଇଦାଂ କାଜିଂ ଏପେଦେର୍ ର ବାଟିକିତି ଜାତି, ରାଜାର୍ତ୍ତ
ମାପୁହେବାକିନାକାର୍, ପୁଇପୁୟା ଜାତି ଆରେ ଇସ୍ବତ୍ ନିଜେନି ଲକୁ
ଆତାଦେର୍ଣ୍ଣା । ୧୦ “ଆଗେ ଏପେଙ୍ଗ୍ ଇସ୍ବର ଲକୁ ବାଟିକିୟାଝାଦାଂ
ମାତାଦେର୍, ମାତର୍ ନଂ ଇସ୍ବରତି ଲକୁ ଆତାଦେର୍ଣ୍ଣା, ଆଗେ ଏପେଙ୍ଗ୍
ଦୟା ପାୟା ଆଝାଦାଂ ମାତାଦେର୍, ମତର୍ ନଂ ଦୟା ପାୟା
ଆତାଦେର୍ଣ୍ଣା ।”

ଇସ୍ବରତି କଡକାଆଡିଏନ୍

୧୧ ଏ ଝାରିନିକାଦେର୍, ଏପେଙ୍ଗ୍ ଇ ସ୍ବାର୍ତ୍ତ ବିଦେସ୍ୟା ଆରି ବାହା
କିତାକାଦେର୍ ଲାକେ । ଲାଗିଂ ଗଝାରି କିଦନାଙ୍ଗା, ଏପେଙ୍ଗ୍ ନିତ୍ରେ
ଜିବୁନ୍ ବିରୁଦ୍ତ ଜୁଜ୍ କିଜି ମାନି ଗାଗାଡ୍ ଆହା ତଲ୍ୟା ଆମାଟ୍ ।
୧୨ ଏପେଦେର୍ ପାତ୍ କିଝି ଜିହୁଦିରତି ବିତ୍ରେ ହାରବେବାର୍ କିୟାଟ୍,
ଇନେସକି ହେଝାର୍ ଇମ୍ବି ବିସ୍ତେ ମିଙ୍ଗେଙ୍ଗ୍ ଦାରିୟା ଇଞ୍ଜି ନିଦା
କିଦନାର୍, ମି ହାର୍ କାମାୟ୍ ହୁଡ୍ଜି ହେ ବିସ୍ତେ କ୍ରିସ୍ତୁତି ଝାନି ଦିନ୍ତ ଦୟା
ହୁଡ୍ଜି ଦିନ୍ତ ଇସ୍ବରତି ଜାଜ୍ମାଲ୍ କିଦନାନ୍ ।

୧୩ ମାପୁତି କାଜିଂ ଝିଜୁ ନାର୍ତି ରଚ୍ଚି ତଲ୍ୟା ଆଡୁ, ୧୪ ପର୍ତ୍ତୁମ୍
ଗାଜା ରାଜା ନଲେ ଅନ୍ୟାୟ୍ କାମାୟ୍ କିନାକାରିଂ ସାସ୍ତି ହିନି କାଜିଂ
ଆର ହାର୍ କାମାୟ୍ କିନାକାରିଂ ଝାରିକିଦେଂ କାଜିଂ ହେଝାନ୍ତି ହୁଦାଂ
ପକ୍ୟାତି ସାସନ୍କିନାକାର୍ ଆୟେର୍, ହେଝାର୍ତି ତଲ୍ୟା ଆଡୁ ।
୧୫ ଇନେକିଦେଂକି ଏପେଙ୍ଗ୍ ଜେ ହାଡ୍ପା କାମାୟ୍ କିଜି ନିରୁଦିୟାର୍
ପୁନ୍ଝି ଗିଆନ୍ତ ଇଞ୍ଜି ମାନି କାତା ବନ୍ଦ୍ କିୟାଟ୍, ଇଦାଂ ଇସ୍ବରତି
ମାନ୍, ୧୬ ଏପେଙ୍ଗ୍ ଜାର୍ତାରେନ୍ ଆତିସ୍ପା ମି ଜାର୍ତାରେନ୍ତିଙ୍ଗ୍
ଚୁଲ୍ଚୁଲିୟାନି ବାତ୍ ଲାକେ ବେବାର୍ କିଝାଦାଂ ନଲେ ଇସ୍ବରତି
ଆଡିଏନ୍ ଆଜି ହାଡ୍ପା କାମାୟ୍ କିୟାଟ୍ । ୧୭ ଝିଜାରିଂ ସମାନ୍ଝାରି
କିୟାଟ୍, କ୍ରିସ୍ତୁଙ୍ଗ୍ ପାତ୍ କିନି ଟଣ୍ଡାରିଂ ଜିଉନଝାଟ୍, ଇସ୍ବରତିଂ ପାଣ୍ଡା
ଆଡୁ, ରାଜାଙ୍ଗ୍ ସମାନ୍ଝାରି କିୟାଟ୍ ।

କ୍ରିସ୍ତୁତି ଦୁକ୍ତ ଝାରି

୧୮ ଆଡିୟାର୍, ଏପେଙ୍ଗ୍ ପାଣ୍ଡୁ ଆଜି ଜାର୍ ଜାର୍ ହାଉକାର୍ରିଂ
ତଲ୍ୟା ଆଡୁ, କେବଲ୍ ହାର୍ ଆରି ହୁଦାର୍ ହାଉକାର୍ରିଂ ଆକାୟ୍,
ମତର୍ ଦୟାହିଲ୍ଝାକାରିଂ ପା ତଲ୍ୟା ଆଡୁ ହେଝାରିଂ ସମାନ୍ ମାନି

କିୟାଟ୍ । ୧୯ ଇନେକିଦେଂକି ଇନେର୍ ଏଚେକାଡ଼୍ ଇସ୍ୱରତିଂ ପାତ୍ କିନି କାଜିଂ ଅନ୍ୟାୟତ ଦୁକ୍‌ବଗ୍ କିଜି କସ୍ ହୁଞ୍ଜୁନାନ୍, ବାଟିଙ୍ ହେଦାଂ ଖାରିନି ବିସ୍ତେ । ୨୦ ଲାଗିଂ ଏପେଙ୍ଗ୍ ଜାର୍ ଜାର୍ ପାପ୍ କାଜିଂ ଜଦି ମାଡ଼ ହୁଞ୍ଜନାଦେର୍, ଲାଗିଂ ହେବେ କି ଇନାକା ଡାକ୍‌ପୁଟା ? ମାତର୍ ଜଦି ହାର୍ କାମାୟ୍ କିଜି ଦୁକ୍ ହୁଞ୍ଜନାଦେର୍, ଲାଗିଂ ହେଦାଂ ଇସ୍ୱରତି ଲାଗାଂ ଆସିର୍ବାଦ୍ ବିସ୍ତେ । ୨୧ ଇଦାଂ କାଜିଂ ନେ ଏପେଙ୍ଗ୍ ଆହ୍ୟାତାଦେର୍ଣ୍ଣା, ଇନେକିଦେଂକି ଏପେଙ୍ଗ୍ ଇନେସ୍ କ୍ରିସ୍ତୁତି ପାନାଟିନା ହିଜି ହାନାଦେର୍, ହେଦାଂ କାଜିଂ ହେଝାନ୍ ପା ମି କାଜିଂ ଦୁକ୍‌ବଗ୍ କିଜି ମିଙ୍ଗେଙ୍ଗ୍ ର ଗୁଣ୍ ଚଟ୍‌ଚିହିଜି ହାଟାନ୍ନା; ୨୨ ହେଝାନ୍ ଇନାକାପା ପାପ୍ କିଝାତାନ୍, କି ହେଝାନ୍ତି ଝେଇଦାଂ ଇମଣାକା ପା ମିର୍ କାତା ଇନ୍‌ଝାଦାଂ ମାତାନ୍ । ୨୩ ହେଝାନ୍ ନିୟା ପାୟାନ୍ତି ଝେଡାଲିଂ ମାସ୍‌ଦି ନିୟା କିଝାତାନ୍; ଦୁଗ୍‌ବଗ୍ କିନି ଝେଡାଲିଂ ଦୁକ୍ ବଗ୍ କିଦେଙ୍ଗ୍ ପାଣ୍ଟୁ କିଝାତାନ୍, ମାତର୍ ନ୍ୟାୟ୍ ବିଚାରକିନାକାନ୍ତି କେଇଦ ଝିଜୁ ବିସ୍ତେ ହେଲାୟ୍ କିତାନ୍; ୨୪ ଆସେଙ୍ଗ୍ ଇନେସ୍ ପାପ୍ କାଜିଂ ହାଜି ମାନ୍‌ଞ୍ଜି ଦାମ୍ କାଜିଂ ଜିରୁନ୍ ଜିପ୍‌କା କିନାସ୍, ଇଦାଂ କାଜିଂ ହେଝାନ୍ ଆପେ କୁସ୍ ଜପି ଜାର୍ ଗାଗାଡ଼୍‌ତ ମା ଝିଜୁ ପାପ୍ ପିଣ୍‌ତାନ୍; ହେଝାନ୍ତି ମାଡ଼୍‌ତ ଏପେଙ୍ଗ୍ ଉଜ୍ ଆତାଦେର୍ଣ୍ଣା । ୨୫ ଇନେକିଦେଂକି ଏପେଙ୍ଗ୍ ମେଣ୍ଟା ଲାକେ ବିନ୍ ହାଜିଡ଼ ହାଲ୍‌ଜି ମାଟାଦେର୍, ମତର୍ ନଂ ମି ଝାସ୍ତିତ ମାନି କିଦେଂ ଆରି ମୁଣିକା ଲାଗାଂ ମାସ୍‌ଦି ଝାତାଦେର୍ଣ୍ଣା ।

୩

ଆଣ୍ଟାଙ୍ଗ୍ ଆରି କଗ୍‌ଲେତି ହିକ୍ୟା

୧ ହେ ଲାକେ, ଏ କଗ୍‌ଲେକ୍, ଏପେଙ୍ଗ୍ ଜାର୍ ଜାର୍ ଡକ୍ତାତ୍ ତଲ୍ୟା ଆଡୁ । ଇନେସ୍ ହେଝାର୍ ବିଡ୍ରେତାଂ ଇନେର୍ ଇନେର୍ ବଚନ୍‌ନି ବଲ୍ ମାନିକିଝି ଆତିସ୍ ପା ଏପେଙ୍ଗ୍ ପାଣ୍ଟା ଆଝାଦାଂ ନିଡ୍ରେବେବାର୍ ହୁଡ଼୍‌ଜି ବଚନ୍ ପିସ୍‌ସି ଜାର୍ ଜାର୍ ଟଣ୍ଡେନ୍ ବେବାର୍ ହୁଦାଂ ବାଦ୍‌ଲା ଆନାଡ଼ । ୨ ଇନେସ୍ ହେଝାର୍ ବିଡ୍ରେତାଂ ଇନେ ଇନେର୍ ବଚନ୍‌ନି ବଲ୍‌ମାନି କିତିସ୍‌ପା ଏପେଙ୍ଗ୍ ପାଣ୍ଟା ଆଝାଦାଂ ସମାନ୍ ବେବାର୍ ହୁଡ଼୍‌ଜି ବଚନ୍ ପିସ୍‌ସି ଜାର୍ ଜାର୍ ଡକ୍ତିନି ବେବାର୍ ହୁକେ ବାଦ୍‌ଲା ଆନାର୍ ।

୩ ✨ଆରେ ତେମ୍ବୁଲ ବେସ୍, ହନା ହାସ୍କୁ ତୁସ୍ନାକା ଆରି ହାର୍ଦି ହେନ୍ଦ୍ରା ଉସ୍ପାନାକା, ଏଲେଙ୍ଗ୍ ଇମ୍ଣି ବାର୍ତାକା ଆର୍ପାନାକା, ହେଦାଂ ଏପେଙ୍ଗ୍ ଆର୍ପାନାକା ହାର୍ ଆକାୟ୍, ✨ ହାଡ଼ପା ହଲ୍ନାକା ନେ ମାନ୍ତ ଇମ୍ଣି କିଆଣ୍ ଆରି ସୁସ୍ତାମିହା ତୁଲ୍ଲି ମାନ୍‌ବାଦ୍ନା ଇସ୍ପୁରତି ମୁମ୍ବଦ ବେସିମଲ୍, ହେଦାଂ ନେ ମି ଜିରାଞ୍ଜି ହାରାଂ ଆଏଡ଼ । * ଇନେକିଦେଂକି ଆଗେକାଡ଼ଦ ଦାମ୍ ନି ପୁଇପୁୟା କଗଲେକ୍ ପା ଇସ୍ପୁରତି ତାକେ ବାସ୍ ଇଡ଼ଜି ଜାର୍ ଜାର୍ ତକ୍ରାତି ତଲ୍ୟା ଆଜି ଇ ବାନି ଜାର୍ ଜାର୍ତିଂ ତୁସ୍ଜି ମାଟିକ୍ । ୧୨ ସାରା ହେ ଲାକେ ର କଗଲେ ମାଟାଡ଼ । ହେଦେଲ୍ ଅରାହାମ୍ ତଲ୍ୟା ଆଜି ହେଞ୍ଜାନିଂ ମାପୁ ଇଞ୍ଜି ଇଞ୍ଜି ମାଟାଡ଼ । ଏପେଙ୍ଗ୍ ନଂ ହେଞ୍ଜାନ୍ତି ଗାଡ଼ତେକ୍ । ଜଦି ହାର୍ ବେବାର୍ କିତିସ୍, ତା ଆତିସ୍ ଇମ୍ଣି ବିସ୍ତେ ମିଙ୍ଗେଙ୍ଗ୍ ଆରେ ପାଣ୍ଡୁ କ୍ରିଦେଙ୍ଗ୍ ଆଡ଼ଦୁର୍ ।

୧୩ ହେ ବାନି, ଏ ତକ୍ରାର୍, ମି ପାର୍ତାନାତ ଇନେସ୍ ବାଦା ଆମେଡ଼, ଇଦାଂ କାଜିଂ ତକ୍ରାକାଂ ପାଚେନିଦିନ୍ତ ନାଦାର୍ ଗାଡ଼୍ ଆରି ଜାର୍ତ ଲାହାଙ୍ଗ୍ ଜିରୁନ୍ ଲାଗ୍ଦି ଉପକାର୍ ଦାନ୍ନି ରଚେ ଆଦିକାର୍ଣ୍ଣି ପୁନ୍ଞ୍ଜି ହେଞ୍ଜେକାଂ ଖାରି କିୟାଟ୍ ଆରେ ଗିଆନ୍ତ ହେଞ୍ଜେକ୍ ଲାହାଂ ମାନାଟ୍ ।

ଦାମ୍ କାଜିଂ ଦୁକ୍‌ବଗ୍

୧୪ ହାରିହାରା କାତା ଇଦାଂ, ଏପେଙ୍ଗ୍ ଖିଜାଦେର୍ ରମାନ୍, ହାରି ସୁକ୍‌ଦୁକ୍ତ ସମାନ୍ ବଗ୍, ଟଣ୍ଡେନ୍‌ଲାଡ଼ତ ଜିଉନନାକା, କିଆଣ୍ ମାନ୍ ଆରି ହୁଦାର୍ ମାନ୍ ଆଡୁ; ୧୫ ନସ୍ ବାଦୁଲ୍ ନସ୍ କି ନିୟା ବାଦୁଲ୍ ନିୟା କିଞ୍ଜାଦାଂ ବିନ୍ ପାକ୍ୟାତ ନଲେ ଆସିର୍ବାଦ୍ କିୟାଟ୍, ଇନେକିଦେଂକି ଏପେଙ୍ଗ୍ ଇନେସ୍ ଆସିର୍ବାଦ୍ନି ଆଦିକାର୍ ଆନାଦେର୍, ଇଦାଂ କାଜିଂ କୁକ୍ୟାତାଦେର୍ଣ୍ଣା । ୧୬ ପୁଇପୁୟା ସାସ୍ପୁରତ ଲେକା ମାନାଡ଼, “ଇନେର୍ ଜିରୁନ୍ନି ସୁକ୍‌ବଗ୍ କିଦେଙ୍ଗ୍

ଆରେ ଜିଉନନି ଦିନ୍ ହୁଡ଼ଦେଂ ଇତା କିନାନ୍,

ହେଞ୍ଜାନ୍ ବାନ୍ୟା ବଚନ୍ତାଂ ଜାର୍ ଖେନ୍ଦୁଲ୍ତିଂ

ଆରେ ନିୟାନି ବଚନ୍ତାଂ ଜାର୍ ଓଟିତିଂ ଚିମ୍ପା କିଏନ୍;

୧୭ ହେଞ୍ଜାନ୍ ବାନ୍ୟାତାଂ ମାସ୍‌ଦି ହାର୍‌ଦି କାମାୟ୍ କିଏନ୍;

ଆରି ଖାସ୍ତିନକାତା ଲାହାଂ ସୁସ୍ତାନି ଆସିର୍ବାଦ୍ କିନାସ୍ ।

୧୨ ଇନେକିଦେଂକି ଦାମ୍ ଲଗାତ୍ କାଜିଂ ମାପୁତି ନଞ୍ଜର୍ ମାନାଡ୍, ହେଞ୍ଜାରିତି ପାର୍ତାନା କାଜିଂ ହେଞ୍ଜାନ୍ତି କିତୁଲ୍ ଜେୟା ଆତାନା, ମାତର୍ ମାପୁତି ଖେଇ ବାନ୍ୟାଲଗାତ୍ ବିରୁଦ୍ ମାନାଡ୍ ।”

୧୩ ଆରେ ଏପେଙ୍ଗ ଜଦି ହାର୍ଦି ବିସ୍ତେ ଆଗେ ଆତ, ବାଟିଙ୍ଗ୍ ଇନେର୍ ମିଦାଂ ନସ୍ କିଦ୍ନାର୍ ? ୧୪ ଆରେ ଜଦି ପା ଦାମ୍ କାଜିଂ ମିଂ ଦୁକ୍ବଗ୍ କିଦେଙ୍ଗ୍ ଲାଗ୍ଦାନାଡ୍, ତା ଆତିସ୍ ମିଙ୍ଗ୍ ଦନ୍ୟ । ହେଞ୍ଜାର୍ ପାଣ୍ଡୁ କ୍ରିଡ୍ଡିସ୍ ପାଣ୍ଡା ଆଜି ବିଲ୍‌କି ଆମାଟ୍; ୧୫ ମାତର୍ କ୍ରିସ୍ତୁତିଂ ମାପୁ ଇଞ୍ଜି ଜାର୍ ଜାର୍ ମାନ୍ତିଂ ପୁଇପୁୟା ଲାକେ ମାନି କିୟାଟ୍ । ମି ତାକେ ମାନି ବାସ୍ ନି କାରଣ୍ ବିସ୍ତେ ଇନେର୍ ପରସନ୍ କିତିସ୍, ହେଞ୍ଜାନିଂ ଉଲ୍‌ଟି ଉତର୍ ହିଦେଂ ଜାଲ୍‌ଦି ଆଜି ମାନାଟ୍, ୧୬ ମାତର୍ ହୁଦାର୍ ଆରି ହାର୍ ବାରେ ଉତର୍ ହିୟାଟ୍, ମି ବାଦ୍‌ନାତିଂ ନିର୍ମଲ୍ ଇଟାଟ୍ । ତା ଆତିସ୍, ଏପେଙ୍ଗ୍ କ୍ରିସ୍ତୁତି ପାଚେହାନି ଲାକେ ସମାନ୍ ସନ୍‌ମାନ୍ କିନିଞ୍ଜେଡାଂ, ଇମ୍‌ଣାକାର୍ ମିଙ୍ଗ୍ ମିର୍ ନିନ୍ଦାକିଦ୍ନାର୍, ହେଞ୍ଜାର୍ ଲାଜୁ ଆନାର୍ । ୧୭ ଇନେକିଦେଂକି ବାନ୍ୟାକାମାୟ୍ କାଜିଂ ଦୁକ୍ବଗ୍ କିନି ତାଂ ନଲେ ଜଦି ଇସ୍ପରିତି ଇଟା ଆତିସ୍, ତା ଆତିସ୍ ସଡ୍‌କାମାୟ୍ କାଜିଂ ଦୁକ୍ବଗ୍ କିନାକା ହାର୍ । ୧୮ ଲାଗିଂ ମା ଇସ୍ପରିତି ଲାଗାଂ ତାନି କାଜିଂ ଜିସୁ କ୍ରିସ୍ତୁ ପା ଦାମ୍ ଆଜି ଅଦାମ୍‌ତି କାଜିଂ ପାପ୍ ଆତିଲେ ରଗ ହାକିବଗ୍ କିତାନ୍ । ହେଞ୍ଜାନ୍ ଗାଗାଡ୍‌ଡ୍ ହାକିବଗ୍ କିନାକାନ୍ ହାଡ୍‌ପା, ମାତର୍ ଜିରୁନ୍ତ ଜିତାନ୍; ୧୯ ହେବେ ପା ହେଞ୍ଜାନ୍ ଗେହ୍ୟାତି ଜିରୁନିକାଂ ଲାଗାଂ ହାଲ୍‌ଜି ସୁଣାୟ୍ କିତାନ୍; ୨୦ ଆଗେକାଡ୍‌ଦ୍ ନହତି ସମ୍ବତ ଜାଜ୍ ରର୍‌ନି ଖେଡାଲିଂ, ଏଚେକାଡ୍‌ଦ୍ ଇସ୍ପର୍ ଲାମାହୁଦାର୍ ଆଜି କାସିମାଟାନ୍, ହେଞ୍ଜେଡାଲିଂ ହେଞ୍ଜାର୍ ଅମାନ୍ୟା ଆତାର୍ । ହେ ଜାଜ୍‌ତ ହଣ୍‌ଜି ଅଲପ୍ ଲକୁ, ଇତିସ୍ କେବଲ୍ ଆଟ୍ ଜାଣି, ଏଜୁଙ୍ଗ୍ ବିତ୍ରେଡାଂ ରାକ୍ୟା ପାୟାତାର୍; ୨୧ ହେବେନି ର ଲାକେ ବାପ୍ରିସିମ୍ ଇତିସ୍ ଗାଗାଡ୍‌ନି ତୁକେର୍ ହାଟ୍‌ଚେଙ୍ଗ୍ ଆକାୟ୍, ମାତର୍ ଇସ୍ପରିତି ଲାଗାଂ ସକଟ୍ ହାର୍ଦି ବାଦ୍‌ନା ଗାଟାଦେଂ କାଜିଂ ପାର୍ତାନା, ଜିସୁ କ୍ରିସ୍ତୁତି ଆରେ ନିଂନି ହୁଦାଂ ନଂ ମିଂ ମୁକ୍ତି କିଡ୍‌ତାନ୍‌ନା; ୨୨ ହେ ଜିସୁ କ୍ରିସ୍ତୁ ସାଗେ ଦୁମ୍‌ଜି ଇସ୍ପରିତି ବୁଜ୍‌ଣି ବାଗାଙ୍ଗ୍ କୁଟ୍‌ଚାନ୍ନା, ଆରେ ଦୁତକ୍, ଆଦିକାର୍ ବାପୁ ଆରି ସାକ୍ତିକାଟିକିକ୍ ହେଞ୍ଜାନ୍ତି ତଲ୍ୟା ଆତିକ୍‌ନା ।

୪

ବାଦ୍‌ଲାନି ଜିବୁନ୍

୧ କ୍ରିଷ୍ଟି ଗାଗାଡ଼ତ ଦୁକ୍‌ବଗ୍ କିତିଲେ ଏପେଙ୍ଗ୍ ପା ହେ ଲାକେ ମାନ୍ ଆଜି ଜାର୍‌ତିଂ ରଚାଟ୍, ଇନେକିଦେଂକି ଇନେନ୍ କ୍ରିଷ୍ଟି କାଜିଂ ଗାଗାଡ଼ତ ଦୁକ୍‌ବଗ୍ କିତାନ୍ନା, ହେଞ୍ଜାନ୍ ପାପତାଂ ଦେହା ଆତାନ୍ନା, ୨ ଇନେସ୍ ଏପେଙ୍ଗ୍ ଜଗଡ଼୍‌ନି ଜିବୁନ୍ ବାକି କାଡ଼୍ ମାନାୟ୍‌ତିଂ ବାନ୍‌ଆହା ଇସାପ୍ରେ କାଞ୍ଜାଦାଂ ଇସ୍‌ସ୍‌ରତି ଇଚା ଇସାପ୍ରେ କାଡ଼୍ । ୩ ଲାଗିଂ ପାତ୍ କିଞ୍ଚି ଜିହୁଦିରତି ଇଚା ଇସାପ୍ରେ କାମାୟ୍ କିଜି ଏପେଙ୍ଗ୍ ଏଚେ କାଡ଼୍ ବାନ୍‌ଆକାମାୟ୍, ବାନ୍‌ଆ ଆହା, କାଲିଂଗହ୍‌ନାକା, ରଙ୍ଗ୍‌ରାସିକା, ହଜ୍‌ଜି ଆରି ଗିଣ୍ ପୁଡ଼ତା ପୁଜା କିଜି ମାଚାଦେର୍, ହେଦାଂ ଲଡ଼ା; ୪ ଏପେଙ୍ଗ୍ ନଂ ହେ ଲାକେ ଚିମ୍‌ରାଆଞ୍ଜାଦାଂ କାମାୟ୍‌ତ ହେଞ୍ଜାର୍ ଲାହାଙ୍ଗ୍ ମାନ୍‌ଞ୍ଜାଦାଂ ହେଞ୍ଜାର୍ କାବା ଆଜି ମିଙ୍ଗେଙ୍ଗ୍ ନିନ୍‌ଆ ହିଡ଼ତାଣ୍ଟା । ୫ ମାତର୍ ଇମ୍‌ଣି ଇସ୍‌ସ୍‌ର ଜିତାକାନ୍ ଆରି ହାତି ଲଗାରିଂ ବିଚାର୍ କିନାନ୍, ହେଞ୍ଜାନ୍ତି ମୁମ୍‌ଦ ହେଞ୍ଜାରତି ଇସାବ୍ ହିଦେଂ ଆନାଡ଼ । ୬ ଇନେକିଦେଂକି ଇ ହିସାପ୍ରେ ହାତାକାର୍ ଲାଗେ ପା ନେକ୍ରିକାବୁର୍ ସୁଣାୟ୍ କିୟାତାଡ଼, ଇନେସ୍ ହେଞ୍ଜାର୍ ମାନାୟ୍ ଲାକେ ଗାଗାଡ଼ତ ବିଚାଣ୍ଟା ଆତିସ୍‌ପା ଇସ୍‌ସ୍‌ରତି ଲାକେ ଜିବୁନ୍ ଜିବୁନ୍ ଆନାନ୍ ।

ଇସ୍‌ସ୍‌ରତି ଦାନ୍ ହାର୍‌ଦି କାର୍‌ନିୟା

୭ ମତର୍ ଖିଜୁ ବିସ୍ତେ ଖିସ୍ତିକାଡ଼ ଲାଗେ । ଲାଗିଂ ହାର୍‌ବୁଦି ଆଡୁ, ଆରେ ପାର୍ତ୍ତାନା କିନି କାଜିଂ ଚେଡ଼ନା ମାନାଟ୍ । ୮ ଇଚିସ୍ ଜବର୍ ଜିଉନତିଲେ ହାରି ଜିଉନବିସ୍ ମାନାଟ୍, ଇନେକିଦେଂକି ଜିଉନନିତ ବେସି କିଜି ପାପତ ତାବାୟ୍ କିନାଡ଼ । ୯ ମଡ଼ିଆଞ୍ଜାଦାଂ ହାରି ଲବାୟ୍ କିୟାଟ୍; ୧୦ ଜାଣ୍‌କେ ଲକୁ ସସ୍ ଇନେସ୍ ଉପକାର୍ ଦାନ୍ ପାୟା ତାଦେଣ୍ଟା, ହେ ଲାକେ ଇସ୍‌ସ୍‌ରତି ବେସି ବିଦି ଦୟାନି ହାର୍ କାର୍‌ନିୟା ଲାକେ ତାହୁଦାଂ ହାରି ହେବା କିୟାଟ୍, ୧୧ ଇନେର୍ ଜଦି ସୁଣାୟ୍ କିନାନ୍, ବାଟିଙ୍ଗ୍ ହେଞ୍ଜାନ୍ ଇସ୍‌ସ୍‌ରତି ବଚନ୍ ସୁଣାୟ୍‌କିନାକାନ୍ ଲାକେ ସୁଣାୟ୍ କିଏନ୍; ଇନେର୍ ଜଦି ହେବା କିନାନ୍, ବାଟିଙ୍ଗ୍ ହେଞ୍ଜାନ୍ ଇସ୍‌ସ୍‌ରତାଂ ସାକ୍ତିଗାଟାନ୍ ମାନାୟ୍ ଲାକେ ହେବା କିଏନ୍, ଇନେସ୍ ଜିସୁ

କ୍ରିଷ୍ଟ ହେଦାଂ ଇସ୍‌ରାଏଲ୍ ଜାଜ୍‌ମାଲ୍ ଆନାଡ଼; ଜୁଗ୍ ଜୁଗ୍ ଜାଜ୍‌ମାଲ୍ ଆରି ବାପୁ ହେଞ୍ଜାନ୍ତି । ଆମେନ୍ ।

କ୍ରିଷ୍ଟିୟାନ୍ତି ଦୁକ୍‌ବଗ୍

୧୨ ଏ ଖାରିନିକାଦେର୍, ମି ପରିକ୍ୟା କାଜିଂ ଇମ୍‌ଣି ଦୁକ୍‌ବଗ୍‌ବାତ୍ ନାଣି ଏକାଞ୍ଜାତାଦ୍‌ନା, ହେଦାଂ ଚାନ୍ୟା ଗଟ୍‌ଣା ଇଞ୍ଜି ବାବି କିଜି କାବା ଗିଆନ୍ ଆମାଟ୍; ୧୩ ଇତିସ୍ ଏଚେକ୍ ଲଡ଼ା କ୍ରିଷ୍ଟି ଦୁକ୍‌ବଗ୍‌ନି ମେହା ଆନାଦେରା, ହେ ଏଚେକ୍ ଖାରି କିୟାଟ୍, ଇନେସ୍ ହେଞ୍ଜାନ୍ତି ଜାଜ୍‌ମାଲ୍ ଆନି ସମୁତ ପା ଏପେଙ୍ଗ୍ ବେସି ଖାରିତ ଖାୟା ଆନାଦେର୍ । ୧୪ ଜଦି ଏପେଙ୍ଗ୍ କ୍ରିଷ୍ଟି ତର୍ କାଜିଂ ନିୟା ଆନାଦେର୍, ତାଆତିସ୍ ଏପେଙ୍ଗ୍ ଦନ୍ୟ, ଇନେକିଦେଂକି ଜାଜ୍‌ମାଲ୍‌ନି ଜିବୁନ୍, ଇତିସ୍ ଇସ୍‌ରାଏଲ୍ ଜିବୁନ୍, ମି ତାକେ ବାହା କିନାତା । ୧୫ ଲାଗିଂ ମି ବିତ୍ରେ ଇନେର୍ ଟୁଣାକାନ୍, କି ମ୍ବାକେନ୍, କି ନାସ୍‌ଆ କୁଲ୍ ଆ ଆଜି ତାଣ୍ଟ ବଗ୍ କିମେନ୍; ୧୬ ମାତର୍ ଜଦି କ୍ରିଷ୍ଟିୟାନ୍ ଆତିଲେ ତାଣ୍ଟ ବଗ୍ କିନାନ୍, ତାଆତିସ୍ ହେଞ୍ଜାନ୍ ଲାଜ୍ କୁଇ କିମେନ୍, ନଲେ ଇ ତର୍ କାଜିଂ ଇସ୍‌ରାଏଲ୍ ପାର୍ତ୍ତାନା କିନାସ୍ ।

୧୭ ଇନେକିଦେଂକି ଇସ୍‌ରାଏଲ୍ ଇଲ୍‌ତାଂ ହାଂଜି ବିଚାର୍ କିନି ସମୁ ଏକାଞ୍ଜାତାଦ୍‌ନା; ଆରେ ଜଦି ହିଗ୍‌ଦ ମା ତାଂ ହାଙ୍ଗ୍‌ତିସ୍, ବାଟିଙ୍ଗ୍ ଇମ୍‌ଣାକାର୍ ଇସ୍‌ରାଏଲ୍ ନେକ୍ରିକାରୁର୍ତ ପାତ୍ କିତର୍ ତା ଆତିସ୍, ହେଞ୍ଜାନ୍ତି ହାରିହାରା ଦସା କି ଇନାକା ଆଉଡ଼ ! ୧୮ ଆରେ ଦାମ୍ ଲଗୁ

“ଜଦି କସ୍‌ତ ମୁକ୍ତି ପାୟାଆନାନ୍,

ବାଟିଙ୍ଗ୍ ଅଦାମ୍ ଆରି ପାପିର୍ ଦସା ଇନାକା ଆଉଡ଼ !”

୧୯ ଲାଗିଂ, ଇମ୍‌ଣାକାର୍ ଇସ୍‌ରାଏଲ୍ ଇଚାତ ଦୁକ୍‌ବଗ୍ କିନାନ୍, ହେଞ୍ଜାନ୍ ପାତ୍ ନି ଉପ୍‌ଜାଣକାର୍‌ୟାତି କେଇଦ ଜାର୍ ଜାର୍ ଖାୟିତିଂ ହେଲ୍‌ୟ କିଜି ହାର୍ କାମାୟ୍‌ନି ଦ୍ୟାନ୍ତ ମାନେର୍ ଇନେକିଦେଂକି ହେଞ୍ଜାନ୍ ନିତ୍ରେ ହେଞ୍ଜାନ୍ତି ପାର୍ମାଣ୍ ରାକ୍ୟା କିନାନ୍ ।



ଇସ୍‌ରାଏଲ୍ ମେଣ୍ଟାମାନ୍

୧ ଆନ୍ ରଖାଙ୍ଗ ବୁଢ଼ାଲୁ ଇସାପତାଂ ମି ମଣ୍ଡଲିନି ବୁଢ଼ାଲୁରିଂ ଗଞ୍ଜାରି କିଜି ଇନାଙ୍ଗା । ଲାଗିଂ, ରଞ୍ଜାନ୍ ହାଙ୍ଗଦି ପାରତିନ୍ ଆରେ କ୍ରିଷ୍ଣତି ଦୁକ୍‌ବଗ୍‌ନି ସାକି ଆରି ଖାନି ଜାଜମାଲ୍‌ନି ମେହାଣ୍ ଆଦିକାରି ଜେ ଆନ୍, ଆନ୍ ମି ବିତ୍ରେ ମାନି ବୁଢ଼ାଲୁରିଂ ଗଞ୍ଜାରି କିନାଙ୍ଗା, ୨ *ଇସ୍‌ସୁର୍ ମି କେଇଦ ଇମ୍‌ଣି ମେଣ୍ଡା ମାନ୍‌ତାତଂ ହେଲାଇୟ୍ କିତାନ୍‌ନା, ଆନ୍ ଗଞ୍ଜାରି କିଦନାଙ୍ଗା, ଏପେଙ୍ଗ୍ ମାନ୍‌ହିଲାଇଦାଂ ହେଦାଂ କିଞ୍ଜାଦାଂ ଖାରିତାଂ ହେଞ୍ଜାରିଂ ଜାତୁନ୍ କିୟାଟ୍, ଦାନ୍ ଲାବ୍‌ଡି ଆହାତାଂ ହେଦାଂ କିଞ୍ଜାଦାଂ ହାଡ଼ପା ହେବା ମାନ୍‌ବାବନା ଲାହାଂ ମି କାମାୟ୍ ଉପାୟ୍ କିୟାଟ୍ । ୩ ଆରେ ଇମଣାକାର୍ ଦାଇଡ଼ ମି କେଇଦ ହେଲାଇୟ୍ ଆତାଡ଼ନ୍ନା, ହେଞ୍ଜାର୍ ଜପି କିନିପାଣ୍ କିଞ୍ଜାଦାଂ ମାନ୍‌ା ଖାରିୟାତି ଲାକେ ଆଜି ହେଦାଂ କିୟାଟ୍ । ୪ ହେବେଣ୍ଡାଂ ମୁଡ଼୍ ପାଲକ୍ ହନି ସମୁତ ଏପେଙ୍ଗ୍ ଜାଜମାଲ୍‌ନି ମୁକୁର୍ ଗାଟାନାଦେର୍ ଆରି ତାଦି ଝିଜ୍‌ଝି ମୁକୁର୍ ପାୟାନାଦେର୍ ।

୫ ହେ ଲାକେ, ଏ ଦାଂଶାର୍, ଏପେଙ୍ଗ୍ ବୁଢ଼ାଲୁରିତି ତଲ୍ୟା ଆଡୁ । ଝିଜାଦେର୍ ହାରି କାଜିଂ ହୁଦାର୍ ବାତ୍ ଆଜିଂ ଉସ୍ପାଟ୍, ଇନେକିଦେଂକି “ସାସ୍ତୁର୍ତ ଲେକାମାନାଡ଼ ଇସ୍‌ସୁର୍ ଆକ୍ରିୟାତ୍ ବାଦା ହିଜି ହୁଦାର୍ ଲଗାତ୍ ଦୟା କିନାନ୍ ।” ୬ *ଲାଗିଂ, ଇସ୍‌ସୁର୍ତ ବାଡ଼କାସ୍‌ନି କେଇ ତାରେନ୍ ଜାର୍ ଜାର୍‌ତିଂ ତଲ୍ୟା କିୟାଟ୍, ଇନେସ୍ ହେଞ୍ଜାନ୍ ମିଂ ସମାନ୍ ଖେଡାଲିଂ ଉର୍ କିଦନାନ୍; ୭ ମିଦାଂ ଝିଜୁ ଚିତାନି କାଉଡ଼ି ଇସ୍‌ସୁର୍ତ ଜପି ତୁହିୟାଟ୍, ଇନେକିଦେଂକି ହେଞ୍ଜାନ୍ ମି କାଜିଂ ଚିତା କିନାନ୍ ।

୮ ଚେଡନା ଆଜି ଜାଗ୍ରତ୍ ମାନାଟ୍ । ମି ଆଣ୍ଟିପାକ୍ୟା ସୟ୍‌ତାନ୍ ସିହିଁ ଲାକେ ଗାର୍ଜାନ୍ କିଜି ଇନେରିଂ ଗୁହନାଡ଼, ଇଦାଂ ଡେକ୍‌ତି ବୁଲାନାତା; ୯ ପାତ୍ ତ ଡିର୍ ମାନ୍‌ଞ୍ଜି ସୟ୍‌ତାନ୍‌ତିଂ ବିରୁଦ୍ କିୟାଟ୍, ଆରେ ଇଦାଂ ପୁନାଟ୍ ଜେ, ଜଗଡ଼ତ ମାନି ମି ପାତ୍ କିନି ଟଣ୍ଡାତ୍ କାଜିଂ ଇ ବାନି ଦୁକ୍‌ବଗ୍ ଗିଟାନାତା । ୧୦ କ୍ରିଷ୍ଣତି ଲାହାଂ ମେହାଜି ତା ଝିଜ୍‌ଝି ଝିଜୁ ଦୟାନ୍ ମୁଡ଼୍‌ଦାକାନ୍ ଇମ୍‌ଣି ଇସ୍‌ସୁର୍ ଜାର୍ ଝିଜ୍‌ଝି ଜାଜମାଲ୍‌ତ ରଚେବାଗ୍ ଆନି କାଜିଂ କ୍ରିଷ୍ଣ ଜିସୁତି ହୁଦାଂ ମିଙ୍ଗେଙ୍ଗ୍ କୁକ୍‌ତାନ୍ନା, ହେଞ୍ଜାନ୍ ମିଦାଂ ଚାନେକ୍ ଦୁକ୍‌ବଗ୍ ପାଚେ ମିଂ ବାତ୍, ସୁସ୍ତା, ବାଡ଼କାସ୍

☆ ୫:୨ ୫:୨ ଜହନ୍ ୨୧:୧୫-୧୭. ☆ ୫:୬ ୫:୬ ମାତିଉ ୨୩:୧୨; ଲୁକ ୧୪:୧୧; ୧୮:୧୪.

ଆରି କୁଟିକିଦନାନ୍ । ୧୧ ବାଡ଼କାସ୍ ଜୁଗ୍ ଜୁଗ୍ ହେଞ୍ଜାନ୍ତି ରାଜ୍ ଆଏଡ଼ ।
ଆମେନ୍ ।

ହାରିହାରା ବନ୍ଦାୟ୍

୧୨ ☆ଇସ୍ପୁର୍ତି ହାଡ଼ପା ଉପକାର୍ ଜେ ଏଲେଂ ବାନି, ଇ ବିସ୍ତେ ସାକି
ହିଜି ମିଂ ଖାରିକିୟ୍ କିଦନିଂ କାଜିଂ ସିଲ୍ଲାନତି ହୁଦାଂ ଆନ୍ ଅକର୍ତାଂ
ଆକି ଲେକିକିତାଂ; ନା ବୁଜାନିତ ହେଞ୍ଜାନ୍ ରଞ୍ଜାନ୍ ପାତର୍ ନି ଟଣ୍ଡେନ୍
। ଏପେଙ୍ଗ୍ ଇ ଦୟାତ ସୁସ୍ତା ଆଜି ମାନାଟ୍ ।

୧୩ ☆ମି ଲାହାଙ୍ଗ୍ ବାଟିକିୟାତି ବାବିଲନ୍ନି ମଣ୍ଡୁଲି ଆରି ନା ଦାମର୍
ମାଜି ମାର୍କ ମିଲେଙ୍ଗ୍ ଜୁଞ୍ଜାର୍ ଜାଣାୟ୍ କିନ୍ନାନା ।

୧୪ କ୍ରିସ୍ଟିୟାନ୍ ଜିଉନନିତ ବାନ୍ଦାୟ୍ କିଜି ହାରିତିଂ ଜୁଆର୍ କିୟାଟ୍
।
କ୍ରିସ୍ଟାକେ ମାନି ମି କାଜିଂ ସୁସ୍ତା ଆୟେଡ଼ ।

☆ ୫:୧୨ ୫:୧୨ ପକ୍ୟାତାକା ୧୫:୨୨,୪୦. ☆ ୫:୧୩ ୫:୧୩ ପକ୍ୟାତାକା ୧୨:୧୨,୨୫;
୧୩:୧୩; ୧୫:୩୭-୩୯; କଲସିୟ୍ ୪:୧୦; ପିଲିମନ୍ ୧:୨୪.

ସତ୍ ବଚନ୍
The New Testament in the Pengo language of India:
ସତ୍ ବଚନ୍

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ୍
ପୁନି ନିର୍ମାଣ , 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 13 Jul 2024 from source files dated 14 Apr 2023

347138c8-2363-58d9-a1b0-0259691b7d43